

Châng thlan: *Thupuan 14:9.*

Zirlâite tân:

Hriat tûr: Ni hnununga Pathian mîte leh sakawlh chibai bûktûte tichiangtu tûr Pathian chhinchhiahna leh sakawlh chhinchhiahna awmzia an hria ang.

Vei tûr: Chibai an bûk Pathian nêna inzawmna entîrtu a nihna anga chhinchhiahnain thlarau lama pawimawhna a neih chu a hrethiam ang.

Tih tûr: Setana lamah ni lovin, Pathian lamah zâwk an tang dâwn a ni tih tichiangtu atân Siamtu leh Chhandamtu hnênah an inpe nawn leh ang.

THUPII THEN

I. Hriat tûr: Chhinchhiahna awmzia

- A “Chhinchhiahna” tih hian eng nge a entîr?
- B Engati nge chhinchhiahna chu chalah emaw, kutah emaw neih a nih tîin?
- C Pathian chhinchhiahna (seal) leh sakawlh chhinchhiahna (mark) danglam chu eng nge ni?

II. Vei tûr: Chibai bûkna awmzia

- A Eng vângin nge chibai kan bûk?
- B Engati nge Pathianin khawvêl a siam a ni tih rin hi Pathianah kan innghat a ni tih tilangtu a nih?
- C Eng vângin nge Sabbath hi chibai bûkna dik tak chhinchhiahna a nih?

III. Tih tûr: Chibai bûkna chu nun a ni

- A Sabbath serh hi Pathian chibai bûkna dik tak chhinchhiahna a nihzia tilang tûrin engtin nge kan serh ang?
- B Eng vângin nge chibai bûkna hi a nî dik taka Sabbath serhna bâk deuh a nih le?
- C Eng tiangin nge Sabbath serh hian kan nî tin nun dânah nghawng a neih?

KHÂIKHÂWMNA: Pathian chhinchhiahna hian Pathian siam leh chhandam kan nih avângin amâ tâ kan ni tih a entîr a, chu

chhinchhiahna vêk chu nunna leh beiseina chhinchhiahna pawh a ni bawk. Kawng lehlamah, sakawlh chhinchhiahna hi chuan kal سوالنا a entîr vê thung a, chuvângin thihna leh bona chhinchhiahna a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Efesi 1:12–14*

THLARAU THANNA ATÂNA THU PAWIMAWH: Pathian chhinchhiahna chu “thutak thû kan ring” (*Efesi 1:13*, NKJV) a ni tih nemnggeh nâna Thlarau Thianghlim hnathawh a ni a. Serhtan leh baptisma ang bawkin Pathian chhinchhiahna pawh hi Pathian leh a mîte inkâra thuthlung chhinchhiahna a ni. Hê chhinchhiahna hian chhûng lama thianghlimna entîrin, rinna nun nê a suih zawm bawk. Hê chhinchhiahna hi Pathian mîte thinslung, an ngaihtuahna leh rilru chhûngril berah a awm a; Pathian an hmangaihzia a puang chhuak. A thil tihna hrang hrangah pawh hmuh a ni bawk a, chû chuan Pathian an chhân lêtna chu a dik a ni tih a tilang.

ZÎRTÎRTÛTE TÂN BÎK: Tûn kêr zirlâi hi pâwl pahnih: mi felte leh mi sualte thliar hrangtu tûr inbeihna hnukung ber atâna kan lo inpuahchah lâwkna pakhat a ni a. Chuvâng chuan, mi felte chu tûte nge ni a (Pathian chhinchhiahna), mi sualte chu tûte nge ni (sakawlh chhinchhiahna) tih chhinchhiahna awmzia leh pawimawhna hriat chu kan tum ngei tûr a ni. Hemi thû-a Sabbath-in pawimawhna a neih chu hriat tum ang che.

Sawi hawn nân: Mi thenkhat chuan sakawlh chhinchhiahna hi a ngial a ngana lang thei tûr niin an hrilhfiyah thîn a—bar code te, credit card number te, leh biometric identification (“aadhar card” kan tih ang hi) te hi sakawlh chhinchhiahna chu niin an ngâi. Hetianga a ngial a ngana hrilhfihtûte chu tûte nge ni a, eng nge an tanchhante chu ni le?

Sawi ho tûr: Enga ti nge a ngial a ngana hmuh theih tûr anga sakawlh chhiahchhiahna sawi hi Thupuan Bû-in a sawi tum nê n a inkalh? Sakawlh chhinchhiahna chu thlarau lam thil zâwk a nihzia inziahna Bible châng engte nge awm?

RAHBI 2—Zawng chhuak rawh

ZÎRTÎRTÛTE TÂN BIK: Thupuan Bû-a zâwlnei Johana hian Pathian tâ an ni tih tilangtu atâna Pathian chhinchhiahna dawngtûte leh, sakawlh laka an rinawmzia tilangtu atâna sakawlh chhinchhiahna dawngtûte danglamna sawi nân Thuthlung Hlui bûten ãawngkam leh milem an sawite chu a hman chhâwng a. Chûng ãawngkam hrang hrangte chu eng nge ni tih hriat tum la, tichuan hêng zawhnate hi in chhâng dâwn nia:

1. “Chalah emaw, kutah emaw” chhinchhiahna dawng tih hi eng nge ni a awmzia?
2. Hetianga chhinchhiahna dawn hian sakawlh nêna inlaichînna neih chungchângah eng nge kawh a neih?
3. Hêngte hian chibai bûkna chungchângah eng zirlâite nge min hrilh?
4. Hê lemchan hmuhnawm tak, tâwpna huna lo thleng tûrah hian Sabbath-in eng dinhmun nge a chan ve dâwn?
5. Eng tiangin nge Sabbath hi Pathian chhinchhiahna leh sakawlh chhinchhiahna nê n a inzawm?

ZIR ZÂUNA

I. Pathian chhinchhiahna chu (*Thupuan 7:1–4, 9:4*)

Chhinchhiahna pasarih zînga (*Thup. 6:1–8:1*) a parukna phelh a nih hnûin zâwlnei Johana chuan Pathian thinurna (*Thup. 7:3*) tuar vê lo tûrte chhinchhiahtu “Pathian chhinchhiahna” chu a hmû a. Hê chhinchhiahna hi chhinchhiahna dang pasarihte nê n kha chuan a inang lo hlê. Chhinchhiahna pasarihte kha chuan chhiahna leh thihna thû an thlen lâiin, hê chhinchhiahna hi chuan chhandamna leh nunna thutiam an keng vê thung. Chhinchhiahna

dangte kha chuan thurûk vawn lam an kawh lâiin, hê chhinchhiahna hi chuan a neitu nihna a kâwk bawk.

Hmânlâi mîte kha chuan an sumdâwnna lehkha pawimawhah chhinchhiahna eng emaw an târ lang thîn a, chu chuan a neitu an ni tih a tilang. Chutiang chhinchhiahna chu thîr lam chî a nih loh pawhin, lunglû emaw a ni tlângpui a (*Exod.28:11, Esther 8:8*), chutah chuan a neitu hming emaw, amâ chhinchhiahna eng emaw an ziak lang thîn. Chhinchhiahna chu lehkha pawimawh emaw, an thil zawrhahte emaw nem kâi theih tûra siam a ni a. Johanan inlârna a hmuhah hian chhinchhiahna chu chhياتna lo thleng mai tûr laka Pathian mîte chu chhan chhuah an nih theih nân an chalah dah a ni (*Thup. 7:3, 9:4*).

Zâwlnêi Ezekielâ pawhin chhinchhiahna chuan chhياتna lakah mi a humhim dâwn niin a sawi ve bawk a (*Ezek. 9:4-6; Gen. 4:15*). Ezekielâ bû-ah hi chuan chhinchhiahna chu “khawchhak lama nî betûte” lak aţanga Pathian nung, Siamtu chibai bûktûte thliar hran nân a hmang (*Ezek. 8:16, NKJV*).

Thupuan bung 7-a inlârna pawh hian chutiang tho chuan a hmang vê a. Thil siam chanchin kha min chhui lêtthîr leh a ni. Dik tak phei chuan, “khawmual leh tuifinriat leh thingte” (*Thup. 7:3*) tih thû hi thil siam chanchin inziahna ţawngkam nên khân thuhmun chiaa a ni a (*Gen. 1:9-13 nên khâikhin la*). Chutiang chuan hê ţawngkam pathumte a sawi lang leh kher hian chhinchhiahna chuan anmahni Siamtu chu Pathian a ni a, Amâ tâ an nihzia inhretûte a chhinchhiah a ni tih a kâwk (*Sâm 24:1, 2; 89:12, 13; 100:3*). Pathianin a chhinchhiah ni tûr chuan keimahni mai pawh ni lovin, kan thil neih zawng zawngte nên lam hian thil engkim Siamtû tâ vek tihna a ni.

Ngaihtuah teh: Pathian mîte hian “Pathian chhinchhiahna” an dawng tawh a ni tih a lanna eng nge awm?

II. Sakawlh chhinchhiahna chu (*Thupuan 13:15, 16; 14:9*)

Pathian el a, mihringte tibuai tûrin Pathian hmêlmâ, “sakawlh” tia hriat chuan amâ laka rinawmte chhinchhiahna atân amâ pualin chhinchhiahna hran a siam vê a. Thupuan Bû chuan he chhinchhiahna hi kut danglamah emaw, chalah emaw chuang tûr niin a sawi a (*Thup. 13:16*). Hê chhinchhiahna hi Deuteronomi bû atanga lâk chhâwn niin, chutah chuan Pathian dân laka rinawmna entûrtu atân hman a ni. Israel fâte khân Pathian thusawi leh a thupêkte an thinlunga an vawn reng theihna tûrin heti hian tih dân tûr a hrih a:

“Chhinchhiahna atân in bânah in zem ang a, in mit leh in mit inkârah challrên atân a awm bawk tûr a ni” tiin (*Deut. 6:8; Exod. 13:9*). Vawiin thleng hian Juda-te chuan hetiang hian an la ti ta zêl a, a bânah leh an chalah *tefillin* an tih chu bunin an hrêng a, chu chuan an ngaihtuahna (chal) leh thiltih (kut) hmangin Pathian zâwm tûrin an inpumpêk a ni tih a entîr.

Chala “Pathian chhinchhiahna” hrên chu Pathian thupêkte zâwm tûra Pathian mîte hrih nawntu a ni ang chiahin, kutah emaw, chalah emawa “sakawlh chhinchhiahna” neih chu sakawlh hnungzuitu nih chhinchhiahna a ni vê leh chiah bawk. Dik tak phei chuan, vântirhkoh pathumnain a sawi ang hian chibai bûkna chungchâng hi an thu inchuh ber chu a ni a. “Tû pawhin sakawlh leh a lem chibai bûkin” tih thu awmzia pawh hi “an chalah emaw, an kutah emaw chhinchhiahna an neih chuan” tih thû hian a hrihfiah vek a ni (*Thup. 14:9*). Heti laia “-in” tih hi Grik tawng chuan *kai* tih a ni a, chu chuan sakawlh chibai bûk leh a chhinchhiahna neih hi a inzawm tlat a ni tih a tilang.

Ngaihtuah teh: Eng vângin nge “sakawlh chhinchhiahna” hi chibai bûkna chhinchhiahna a nih? “sakawlh chhinchhiahna” leh “Pathian chhinchhiahna” te hi khâikhin la. Eng vângin nge chibai bûkna hi indona ropui a lo tâwp dâwn hnaih tâkah hian thu pawimawh tak arawn ni tâk le?

III.Sabbath—chibai bûkna chhinchhiahna chu (*Genesis 2:1–3, Exodus 20:8–11.*)

Mihringte chanchin hi Pathian chibai bûkna hun Sabbath-a in̄tan a ni a. Sabbath chuan mihringten Pathian chibai an bûkna hmasa ber a lo chhinchhiah a, chuvângin Sabbath serh chu Pathianin anmahni leh khawvêla thil siam dang awmte a siam avânga lâwmthu an sawi lêtna a ni. Thil siam chungchâng sawi langtu Sabbath hi Thu Sâwm Pêkah pawh a laiah tak dah a ni hi a chhan ðha tak a awm. Hei hian Sabbath-in Pathian nêna kan inlaichînna (thupêk 1–3) leh kan mihringpuite nêna kan inlaichînna (thupêk 5–10) a kâwk a ni tih a tilang.

Hmânlâia thuthlung eng eng emaw an ziahte kha mi tûten emaw an lo tihchingpen a, an lo thâi reh mai lohna tûrin a lâi takah chhinchhiahna (seal) an chhu kâi ðhîn. Thu Sâwm Pêkah pawh Sabbath hi a lâilî takah dah a ni a, hei hian Siamtu chhinchhiahna atâna duan a nihzia a tilang.

Sawi ho tûr:

- ❶ Sabbath hi Thu Sâwm Pêk zînga pakhat niin, Kristian tam takten an ngaih theih loh leh tihdanglam an châk êm êm a ni a. Engati nge Sabbath thupêk hi ngaih theih loh a nih viau le?
- ❷ Eng tiangin nge Sabbath thlâk danglamna hian Kristiante leh Juda-te inlaichînna a nghawng le?

RAHBI 3—A taka nunpui tûr

ZÎRTÎRTÛTE TÂN BÎK: Thupêk palnain a sawi angin ni sarìh nî Sabbath hian thil siam kha min hrilh a, chutih lâiin Roman Catholic-te siam chawp Sunday hi chuan Isua thawhleha min kawhhmuh thung. Hêng ni serh pahnihte hrilhfiah dânte hian eng tiangin nge kan thil thlîr dân hrim hrimah nghawng a nei tih sawi ho rawh u.

Ngaihtuah zui tûr/a taka nunpui tûr zawhnate:

- ❶ Kan chhûngkua ðheuhah hian Sabbath hi a awmzia phur chhuak zâwng leh Pathian chhinchhiahna a nihna ang takin engtin nge kan hman theih ang?

②Kristian dangten Sunday-a an tih leh Seventh-day Adventist-ten Sabbath-a an tih hi eng nge a danglamna awm?

RAHBI 4—Boruak siam rawh

ZĪRTĪRTŪTE TĀN BĪK: In kohhrana Pathian biak inkhâwm in kalpui dân kha ngun takin thlîr la, kohhran pâwl dangte emaw, sâkhaw dangte emaw inkhâwm dân nêh khâikhin ang che. Chibai bûk tih hrim hrim hi eng nge ni a awmzia?

Tih tûrte: Seventh-day Adventist-ten Pathian biak inkhâwm awmzia kan hriatthiam dân tilang thei tûr Sabbath inkhâwm buatsaih rawh u.